

## UPM sumbang makanan kepada pelajar luar kampus

UNIVERSITI Putra Malaysia (UPM) melaksanakan program Ziarah Luar Kampus:Edisi Ramadan 2025 bagi meringankan beban pelajar luar kampus yang tidak pulang ke kampung halaman sepanjang Ramadan disebabkan tuntutan pengajian.

Untuk tujuan itu, UPM mengagihkan beg sumbangan makanan kepada 51 pelajar yang tinggal di Kompleks Perumahan Universiti, Taman Equine, Taman Sri Serdang dan kawasan Ikram-Uniten. Sebanyak 20 beg disampaikan secara langsung kepada pelajar terbabit.

Sumbangan diserahkan Timbalan Naib Canselor (Hal Ehwal Pelajar dan Alumni) UPM, Prof. Dr. Arifin Abdu yang memberitahu, pihak universiti akan terus berusaha memberikan sumbangan makanan kepada pelajar-pelajar yang memerlukan.

"Kami ingin memastikan

pelajar yang jauh dari keluarga di bulan Ramadan ini tetap mendapat sokongan dan bantuan

sewajarnya," katanya yang turut menziarahi pelajar terbabit bagi memahami keperluan mereka.

■ DR. Arifin Abdu (empat, kiri) menyerahkan beg sumbangan makanan kepada pelajar luar

kampus UPM sempena program Ziarah Luar Kampus:Edisi Ramadan 2025.

